



Mishto avilen ke Swedbank thaj ke Shparimaske Banke

Te shaj te registrujn tumen sar kliento ko Swedbank vaj ke jekh shparimaski banka, trebul te sikaven tumare lila thaj te phenen soske trebul tumen jekh bankako konto. Kado si jekh gido ke informacija savi si te sikaven e bankake kana dzan ande jekh filiala/ofiso bankako.

Identifikacija

Kana si tumen Shvedisko personalno lilesko gin/numero

Kana si tumen Shvedisko personalno lilesko gin/numero, trebul te sikaven jekh Shvedisko lil savo si inke lasho.

Kana na-j tumen Shvedisko personalno lilesko gin/numero

Kana na-j tumen Shvedisko personalno lilesko gin/numero, trebul te sikaven jekh nacionalno pashaporto savo sikavel tumaro themutnipe thaj inke lasho si.

Anda e thema save si rig ando Schengen Hakijaripe, si lasho vi jekh ekivalento ko Shvedisko nacionalno lil, savo sikavel tumaro nacionaliteto.

Kana sikaven jekh streino lil, trebul te kerel pes konfirmacija pala tumaro identiteto avere lilesa pashe, kade sar si e beshimasko lil, lil katar e buki, lil katar e Institucija le Taksengi(pokina karing o them) vaj lil katar e shkola.

Kana ni hakijaren Shvedisko vaj Anglisko

Kana ni hakijaren Shvedisko vaj Anglisko shiba, trebul te anen varekas tumenca savo te boldel/kerel translacija tumenge.

Si zuales vashno te shaj te hakijaras amen, kade ke tumen te hakijaren tumare chachimata thaj obligacije sar kliento thaj amen te shaj las odgovor ke le puchimata so si amen pala tumende thaj tumare financi.

Soske mangel jekh bankako konto?

Sa e Shvedisko banke si pala zakono obligime te puchel soske trebul tumen jekh bankako konto thaj sar kam potrebin o konto. Shaj te avel kash te primin tumaro salaro vaj aver forme pokinimatenge, vaj te pokinen e kirija vaj sar jekh konto kaj te shparin love.

E maj but anda amare bankenge ofisura ni handlujn lovenca ando vast. Anda kodo si te pushen tumen katar tumari banka sar shaj te pokinen ande jekh aver felo de sar lovenca ando vast.

Tumaro bankako kardo thaj tumari kontoski informacija si personalno. Tumaro kardo vaj konto trebul te na aven potrebime katar aver manush. Si importante te len tumen sama pala tumaro kardo thaj pala e informacija le kontoski. Isaren te na den nikad tumaro PIN kodo varekaske.

Kana trebul tumen lila le kontoske kash te primin dzutori pasha salaro, trebul te dzan ke e maj pashe filiala bankaki kaj shaj te dzutil tumenge te mangel te avel tumenge bilovengo svako shon lil pala tumaro konto.

O chachipe ke jekh bankako konto

Svakojech manush, bi te dikhel pes sosko nacionaliteto si les, si les o chachipe te putrel jekh konto bankako savo si usharado katar e Garancija le Depozitongi. Ale ande varesave situacije, e banka si lan o chachipe te na del tumen konto. E banka ni dashtil te putrel tumenge jekh konto kana:

- e banka nashti te indetifikil tumen sigurno
- e banka arakhel avri ke e informacija so sikaden soske kamen te putren jekh konto na-j dosta

Angluni oferta

Amari angluni oferta dzutil tumenge te depozitin love thaj te sherutnin tumare pokinimata.

Ande oferta si:

- Bankako konto
- Bankako kardo
- Pokinimatengo serviso



Fakturi

Pala o Zakono pala Mesuri kontra o Thovimos/Halavipe le Lovengo thaj Terorismosko Financiripe

O Zakono pala Mesuri kontra o Thovimos/Halavipe le Lovengo thaj Terorismosko Financiripe si jekh Shvedisko zakono savesko cilo si te na aresen e banke te aven potrebime anda e taksengi frauda (hohavimos le themengo) thaj financirimo anda e kriminalno aktivitetura. O zakono bushol ke e bankan na-j lan o chachimo te putrel kontura vaj te kerel tranzakcije kana na-j len odgovor ko puchipe soske jekh kliento kamel te putrel jekh konto thaj sar kam potrebil les.

Pala e Garancija le Depozitongi

E Shvedos si les jekh Garancija le Depozitongi. Kado bushol ke o them shaj te pokinel kompensacija e klientonge, dzi ke jekh suma lovengi, kana e banka del falimento.

Pala love ando vast

Swedbank, e shparimaske banke thaj but aver banke thaj importante riga, keren buki aktivno kash te ciknearen e suma le lovengi save phiren ando societeto. Anda kodo, amen zurearas amare klienton te potrebin o kardo kana pokinen, te cirden love tele kana pokinen le kardosa ande bolte/magazinura, te potrebin e automatura ATM kana kamen te thon love po konto vaj te cirden love tele pa konto.